

Hi, honela ikusiz,
lotsa, pena eta
amorrozia,
bart, etsipenez entzun
haut mintzo hi ere
ametsetan;
ulertezinak urdail
ultzera zainetan
eta minetan;
hire bakarrizketa
oihartzunka
nire muinetan;
hi, hi heu erdaraz
ari bait hintzen
honela:

ez, etzak ikas
hemengo erdara
santa sekulan;
guk, euskara baizik
mintza dezagun
gure artean;
bai, inondik inongo
baimenikan gabe,
euskaraz.



MUNDU guztiak adituzten du
euskaldunaren negarra
alde batera nahiago nuke
ez banintz hemengotarra.
Enpeinatzea ez bada libre,
alferrik dugu indarra.
Hau da txoriak gari tartean
goseak egon beharra.

Antzerki hontan lau pertsonaia
ta jokalarik bakarria
arbolak berak erakusten du
ostoa eta adarra.
Enpeinatzea ez bada libre
alferrik dugu indarra.
Hau da txoriak gari tartean
goseak egon beharra.

Sutan pizturik darrai oraindik
sugai berriz lengo gerra,
oharkabea ez zen mintzatu
Txirrita poeta zarra.
Enpeinatzea ez bada libre
alferrik dugu indarra.
Hau da txoriak gari tartean
goseak egon beharra.

Zazpi ahizparen gai den oihala
ebakirikan erditik
Alde batera hiru soineko
utzirik lau bestetik.
Guraizakin bereizi arren
bakoitza bere aldetik
ezagutzen da jantzi direla
zazpiak oihal batetik.

Oihal bera da gure jantzia
sortu gintuzten unetik
ez du munduak kemenik sortu
kentzeko gure soinetik.
Guraizakin bereizi arren
bakoitza bere aldetik
ezagutzen da jantzi direla
zazpiak oihal batetik.

Guraizakin bereizi arren
Guraizakin bereizi arren
ezagutzen da jantzi direla
ZAZPIAK OIHAL BATETIK.

GURE herriko eskolan metodo gogorra
eskuaraz ezin mintza bestela zigorra:

Gurasoentzat euskara etxeko xapina
ahalge funtsa eta erabil ezina

Bizia erritmo batez eta desberdina
barne gogoa eta bere ahalegina
gure herrimina

Herri eskola eskuaraz zigorrik gabe
seme-alabak betiko ametsen jabe.

AMETS beltzenak ere gero, bi aldeetan ulertuak
Etxahun-Txirrita z-Matalaz-Xaho-Zumalakarregiz zertuak.
Urtegiko ormarresia borroka uholdez gaudituz
batasun urak libre utz eta lur lehortuak ureztatuz.
Lur hezean euskal hazia borroka ongarriz ernalduz
Nafarroa ta Iparraldea lehorteak ez ditzan galdu.

*ITSU, gorra, nahasia, gure mintzairaz
maitemindua naukazu bakardadeaz,
gau ibilaldi gordeaz, ta itsasoaz
hitzik gabeko mintzaldi eta zinemaz
ta ugazaba-zale ez den langiletaz
hotzikara izerdiaz, sukarraz ta, beraz, beraz...*



BITAN banandu gintuzten
ta zilbor hestea eten
orain berriz gara hiru
ta gainetikan lau miru
itzulika inguruan
gorroto beltza buruan
gosez ikuska ta hegan
kolpea noiz-nola eman.
Erne, adi,
egon hadi.

Usoz betetzen ari zaigu ortze zerua
bi miru nagusiek jan mirukumeak...
Erne, adi,
egon hadi

Usoz beterik dago gure ortze zerua
miruak lumaturik ta lurperatuak...

LANTEGIKO sirenotsak hautsi du gau ametsa
uso langileak doaz beharrerera, ez kexa,
kartzelan dauden poetak ameskaitzaren pean
baretuko ahal dira kantu hau entzutean.




GURE barne zutabea, bizirik ote dea?
Batzen gaituen arrazoin mugagabea;
ertz horretatik begira, daude espaloi erdira
nahiz arrotzaren ifxura, gutarrak dira.

Mendi, ibai, itsasoa, Larrun eta Bidasoa
iragan behar dut orain, muga Pausoa;
irabazleen laztana, jasonezinezko zama
Frantziar aitakeriak horra narama.

Hator honuntz, lagun berri, etorkizunen giltzari
izan dezagun guztiok, anaien berri;
mintza hire euskalkia, gera ez dadin estalia
mintzaraz itsas gizona, laboraria...

Mendi hauen magalean, kantauri itsas ertzean
hiltzean bainan bizirik, bakardadean;
kantatzen dugu oihuka, bizi bait gara guduka
hil ala bizikoa da, gure burruka.



GURE Herriko kaletik noa ta arrotz bat
sentierazten nau española entzun behar horrek.
Españolak jantzieta ere, Españolak publizitatean,
Españolak, ala ni Frantzes...

Entzun maitea, euskaraz ari da ondoko apartamenduan
haurra eta emazteia ere euskaldunak, ta abertzaleak,
agian baita abertzaleak, euskaldunak, ta abertzaleak,
agian baita abertzaleak, euskaldunak...

TURISMAZ bakarrik bizi den Herrian
bizkarrak makurrak, ez eta ez.
Uda ez baita bakarrik «la polites»
turismaz bakarrik bizi den Herrian
uda ez baita bakarrik «la polites».

Eguzki printzetan, hor galtza motxetan,
gu berriz tatarraz irrifarra,
«Mesie-dam», makurturik gure bizkarra,
eguzki printzetan, hor galtza motxetan,
«Mesie-dam», uzkurturik gure bizkarra.

DATOZ, badatoz, anaiak, arrebak, mugatik, iheska, sasitik, sasira, bada...
Datoz, badatoz, oraingo, beldurrak, gogoaz, irentsiz, geroan sinetsiz bada...
Datoz, badatoz, kanpainak, udatiar, erdaldun, jaietxe, bihurtu baitira bada...
Datoz, badatoz, lur laboraria, lorazain, bilaka, arazi bait dute, bada...
Datoz, badatoz, anaiak, arrebak, mugatik, iheska, sasitik, sasira, bada...

LANGILE ta burgesia
Frantziar demokrazia
giza eskubideentzat
erresuma ta bizia
Europarentzat suzia
Frantziar demokrazia.

Hiri handi bateko auzoan
hotsik gabe ganbara honetan
alumeta piztu ondoan
hire bisaia koloretzatzean
arnas hotsez ari naun kantari
zentzuz jantziz logabetasuna
ogeburukoa besapean
bakarraldia laztanki ordaintzean.

AUZAPEZ, apez, deputatuak eta notableak
koliseoan akolitok eta miserableak.
Auzapez, notableak,
guztiak miserableak.

Galiar eskuindar republikano eta sozialistak
Euskal Herriaren aurkakoak ta Frantzes arrazistak.
Eskuindar sozialistak
eta Frantzes arrazistak.

OSABAK bizia gal, gerra irabaziz
Alemanak Frantzia abandona araziz.
Osabaren hilobi gainean ikurra
Frantziarentzat bizia ta betiko zorra

Españolak ez dira, amatxi, esan nizun atzo
eta Hegoaldean nauzu Frantzes eta gabatxo.
Halere Bonapartek egin Euskal Herriko karta
kolorez beteko da Nafarroatik Xuberora.

Osabarekin galdu ia euskal sena
irabazleen uzta gure ukapena
berea zelakoan eta etsaiena
berdin alemanena edo frantsesena

Españolak ez dira...

